



Ria partida cuntra le San löre, che castighëia sciöche al toca i ladins, suradüt tla secunda pert.

L'ultima partida dla sajun d'altonn é gnüda antizipada al vëndres sëra. Le San löre ruvé adalerch a La Val â mostré düt só savëi, cis tla secunda pert, daulache i ladins é crolá y é gnüs castigá a dovëi.

Bele al 10[^] davagna i avversars na puniziun dal limit, la trata ti sciampa sura le portier Sepl ite y röia daité dala linea de porta. Atira do röia Alex Rubatscher dan porta dl San löre, al pro la trata che röia indere sura fora. I ladins tëgn sö la presciun avversara bun cina la fin dla prüma pert dla partida.

Tl secundo tēmp variëia l'alenadú dl La Val le modul de jüch, che porta ince sü früc tla prüma cherd'ora: i avversars vëgn tignis sö ti dërc mumënc y stënta cun les repartēnzes. Indere dal 60[^] inant pëia ia le calvare por La Val. Le sogadú sterch dl San löre Piffrader se fej lerch amesa la defenjiun y tira sëch te porta. Al 68[^] le medemo pëia da na pert jö y passa zrug a só fré Thomas che á ma plö bria da apogé la cogura te rëi. Le cuarto gol röia al 80[^] sön na trata dal ciantun, chiló stachëia l'atacant y rebat le palé cun le cé te porta avversara. L'ultimo gol por le San löre röia al 85[^], le sogadú Auer controlëia bun le palé al limit dl'area y fej pié ia na trata sëcia dlungia le pé de port ite.

Le La Val mëss ti dé para i trëi punc al San löre y stlüt jö la sajun d'altonn cun na bela batosta.

Sëgn va le La Val tla palsa da d'invern a ciarié sö nöies forzes y a varí fora i mai de tröc sogadús, tomá fora amesa la sajun d'altonn.

La Val – San löre Amateure 0-5

Formaziun La Val: 1. Sepl Kantioler (dal 69^ Manuel Costabiei), 2. Natan Colletta (dal 55^ Marco Miribung), 3. Simon Campeï, 4. Max Nagler, 5. Paolo Vallazza, 6. Christian Terza, 7. Martin Ploner, 8. Felix Nagler (dal 79^ Walter Complojer), 9. Alex Rubatscher (dal 81^ Andreas campeï), 10. Alex Elzenbaumer, 11. Philip Moling (dal 56^ Mattia Mutschlechner)

Atri resultat de chësc fin dl'edema:

Altherren: La Val – Dietenheim 3-1

U-15: Eggental – Val Badia 1-1

U-13: La Val – Terenten 1-0

U-11: La Val – Mareo 2-1

U-9: Burnech – La Val 2-3